



Broj: 05/2-50-13-28-61,1/19
Sarajevo, 25.1.2019.

PARLAMENTARNA SKUPŠTINA
BOSNE I HERCEGOVINE
PREDSTAVNIČKI DOM
DOM NARODA

BOSNA I HERCEGOVINA PARLAMENTARNA SKUPŠTINA BOSNE I HERCEGOVINE SARAJEVO			
PRIMLJENO: 29-01-2019			
Organizaciona jedinica	Klasifikaciona oznaka	Redni broj	Broj priloga
05/2	50-12	237	1/19

PREDMET: Izvještaj o radu Odbora za žalbe građana Parlamentarne skupštine BiH za 2018. godinu

Poštovani,

Odbor za žalbe građana je na 61. sjednici, održanoj 23.1.2019., u skladu s članom 15. stav (1) tačka f) i članom 19. stav (1) tačka d) Zakona o nezavisnim i nadzornim tijelima policijske strukture Bosne i Hercegovine, te članom 4. stav (1) tačka f) i članom 5. tačka f) Poslovnika o radu Odbora za žalbe građana Parlamentarne skupštine BiH, usvojio Izvještaj o radu Odbora za žalbe građana za 2018. godinu, te ga dostavlja Parlamentarnoj skupštini BiH na usvajanje.



Predsjednik
Odbora za žalbe građana
Parlamentarne skupštine BiH
dr. sc. Vjekoslav Vuković

Prilog:

- Izvještaj o radu Odbora za žalbe građana za 2018. godinu

Dostavljeno:

- naslovu
- a/a



IZVJEŠTAJ O RADU
ODBORA ZA ŽALBE GRAĐANA
PARLAMENTARNE SKUPŠTINE
BOSNE I HERCEGOVINE

za 2018. godinu

Januar 2019. godine

Sadržaj

Poglavlje I. Uvodne napomene	3
Odjeljak A. Osnivanje Odbora za žalbe građana	3
Odjeljak B. Sastav Odbora za žalbe.....	3
Odjeljak C. Pravni okvir djelovanja Odbora za žalbe građana	4
 Poglavlje II. Rad i aktivnosti Odbora za žalbe građana	 5
Odjeljak A. Sjednice Odbora za žalbe	5
Odjeljak B. Postupanje po žalbama građana.....	5
Odjeljak C. Žalbe na rad policijskih službenika Granične policije BiH.....	6
Odjeljak D. Žalbe na rad policijskih službenika SIPA-e	11
Odjeljak E. Žalbe na rad policijskih službenika Direkcije za koordinaciju policijskih tijela BiH	12
Odjeljak F. Ostale aktivnosti Odbora za žalbe građana	13

Prilozi

Na osnovu člana 19. stav (1) tačka d) Zakona o nezavisnim i nadzornim tijelima policijske strukture Bosne i Hercegovine („Službeni glasnik BiH“, broj 36/08) i člana 5. stav (1) tačka f) Poslovnika o radu Odbora za žalbe građana na rad policijskih službenika u policijskim tijelima Bosne i Hercegovine („Službeni glasnik BiH“, broj 84/09), Odbor za žalbe građana Parlamentarne skupštine Bosne i Hercegovine je na 61. sjednici, održanoj 23.1.2019, usvojio i Parlamentarnoj skupštini Bosne i Hercegovine podnosi sljedeći

I Z V J E Š T A J
o radu Odbora za žalbe građana Parlamentarne skupštine
Bosne i Hercegovine za 2018. godinu

POGLAVLJE I.

UVODNE NAPOMENE

Odjeljak A. Osnivanje Odbora za žalbe građana

Odbor za žalbe građana Parlamentarne skupštine BiH (u daljnjem tekstu: Odbor za žalbe građana) osnovan je u skladu sa Zakonom o nezavisnim i nadzornim tijelima policijske strukture Bosne i Hercegovine ("Službeni glasnik BiH", broj 36/08) kao tijelo Parlamentarne skupštine BiH koje u obavljanju svojih aktivnosti djeluje isključivo na profesionalnim osnovama, ne zastupajući, ne štiteći niti podrivajući interese bilo koje političke stranke, organizacije, udruženja ili bilo kojeg naroda u Bosni i Hercegovini.

Odbor za žalbe građana, u skladu sa Zakonom o nezavisnim i nadzornim tijelima policijske strukture BiH i Poslovníkom o radu Odbora za žalbe građana na rad policijskih službenika u policijskim tijelima Bosne i Hercegovine ("Službeni glasnik BiH", broj 84/09), nadležan je za:

- zaprimanje, evidentiranje, procjenu i prosljeđivanje žalbi na postupanje policijskih službenika u Bosni i Hercegovini, kao i njihovo upućivanje nadležnim policijskim tijelima;
- kontinuirano praćenje u kojoj je fazi predmet;
- iniciranje odgovarajućeg postupka protiv podnosioca žalbe u slučaju lažne ili tendenciozne žalbe;
- vođenje svih odgovarajućih evidencija i baza podataka o žalbama građana protiv policijskih službenika Bosne i Hercegovine, rezultatima istrage i drugim faktorima na osnovu kojih je pokrenut disciplinski ili krivični postupak;
- davanje svih informacija podnosiocu žalbe u vezi s njegovom žalbom;
- informiranje Parlamentarne skupštine BiH o svom radu te
- obavljanje ostalih poslova propisanih zakonom.

Odjeljak B. Sastav Odbora za žalbe građana

Shodno odredbama Zakona o nezavisnim i nadzornim tijelima policijske strukture BiH, Odbor za žalbe građana ima sedam članova koji se biraju između uglednih i uvažanih građana koji nisu zaposleni u policijskim tijelima BiH.

Članovi Odbora moraju imati visoku stručnu spremu, najmanje pet članova Odbora moraju biti diplomirani pravnici i u njemu moraju biti zastupljeni svi konstitutivni narodi.

Kandidat za člana Odbora za žalbe građana ne može biti član političke stranke ni lice osuđeno za krivično djelo, osim za krivično djelo iz oblasti sigurnosti saobraćaja.

Za članove Odbora za žalbe građana u mandatnom periodu 2014 - 2018. imenovani su¹:

- 1. Vjekoslav Vuković, predsjednik,**
- 2. Bakir Dautbašić, prvi zamjenik predsjednika,**
- 3. Borislav Radić, drugi zamjenik predsjednika,**
- 4. Semir Šut, član,**
- 5. Tihomir Marinčić, član,**
- 6. Negosava Stjepanović, članica i**
- 7. Aleksandra Martinović, članica.**

Konstituirajuća sjednica Odbora za žalbe građana održana je 31. 3. 2014.

Odjeljak C. Pravni okvir djelovanja Odbora za žalbe građana

Pravni okvir djelovanja Odbora za žalbe građana određen je članom 1. stav (2) Zakona o nezavisnim i nadzornim tijelima policijske strukture Bosne i Hercegovine, u kojem je navedeno:

Na sva pitanja organizacije i upravljanja te druga pitanja bitna za funkcioniranje tijela uspostavljenih ovim zakonom i odnosa između institucija BiH i odnosa prema pravnim i fizičkim licima, u mjeri u kojoj nisu propisana ovim zakonom, primjenjuje se Zakon o ministarstvima i drugim organima uprave Bosne i Hercegovine i Zakon o upravi.

Shodno navedenoj odredbi, pravni okvir djelovanja Odbora za žalbe građana čine:

- a) Zakon o nezavisnim i nadzornim tijelima policijske strukture Bosne i Hercegovine ("Službeni glasnik BiH", broj 36/08),
- b) Zakon o ministarstvima i drugim organima uprave Bosne i Hercegovine ("Službeni glasnik BiH", br. 5/03, 42/03, 26/04, 42/04, 45/06, 88/07, 35/09, 59/09, 103/09, 87/12 i 6/13),
- c) Zakon o upravi ("Službeni glasnik BiH", br. 32/02 i 102/09),
- d) Poslovnik o radu Odbora za žalbe građana ("Službeni glasnik BiH", broj 84/09).

¹ "Službeni glasnik BiH", broj 20/14.

POGLAVLJE II.

RAD I AKTIVNOSTI ODBORA ZA ŽALBE GRAĐANA

Odjeljak A. Sjednice Odbora za žalbe građana

U 2018. godini Odbor za žalbe građana održao je 12 sjednica (s početkom u 17 sati), i to kako slijedi:

Sjednice	Datum održavanja sjednica
49. sjednica	22.1.2018. od 17, 00 sati
50. sjednica	22.2.2018. od 17, 00 sati
51. sjednica	14.3.2018. od 17, 00 sati
52. sjednica	17.4.2018. od 17, 00 sati
53. sjednica	23.5.2018. od 17, 00 sati
54. sjednica	13.6.2018. od 17, 00 sati
55. sjednica	10.7.2018. od 17, 00 sati
56. sjednica	30. 8.2018. od 17, 00 sati
57. sjednica	14.9.2018. od 17, 00 sati
58. sjednica	17.10.2018. od 17, 00 sati
59. sjednica	22.11.2018. od 17, 00 sati
60. sjednica	11.12.2018. od 17, 00 sati

Na navedenim sjednicama Odbora za žalbe građana razmatrano je ukupno 55 tačaka dnevnog reda i 100 podtačaka, u okviru kojih je analizirao 93 žalbe² i izvještaja nadležnih policijskih tijela na nivou Bosne i Hercegovine, te sedam informacija i obavještenja nadležnih policijskih agencija.

Odjeljak B. Postupanje po žalbama građana


U izvještajnom periodu Odbor za žalbe građana zaprimio je 86 žalbi koje su se odnosile na rad policijskih službenika, i to:

- 69 žalbi podneseno je protiv policijskih službenika Granične policije BiH,
- osam žalbi podneseno je protiv policijskih službenika Državne agencije za istrage i zaštitu (SIPA),
- šest žalbi podneseno je protiv policijskih službenika Direkcije za koordinaciju policijskih tijela BiH,

² U sklopu 93 žalbe razmatrane su i 24 žalbe zaprimljene tokom 2017. godine.

- tri žalbe podnesene su protiv policijskih službenika različitih policijskih tijela na nivou entiteta i kantona, a koje su proslijeđene odgovarajućim institucijama na nadležno postupanje.

GRAFIKON br.1



Postupajući po žalbama i izvještajima nadležnih policijskih tijela Bosne i Hercegovine, Odbor za žalbe građana *općim konsenzusom* usvojio je 93 zaključka koji su dostavljeni nadležnim policijskim tijelima.

Odjeljak C. Žalbe na rad policijskih službenika Granične policije BiH

Tokom 2018. godine Odbor za žalbe građana razmatrao je 73 žalbe na rad i postupanje policijskih službenika Granične policije BiH, zajedno sa izvještajima o obavljenim preliminarnim provjerama Granične policije BiH.

Odbor za žalbe građana jednoglasno je prihvatio 73 izvještaja o izvršenim preliminarnim provjerama Granične policije BiH, pri čemu je 68 izvještaja prihvaćeno nakon prvog razmatranja, dok je pet vraćeno na dopunu u skladu sa smjernicama Odbora, i to:

- u predmetu broj: 05/2-50-17-475/18 od 13. 2. 2018, po žalbi građanina H.P., članovi Odbora za žalbe građana zaključili su da je potrebno da predstavnik Granične policije BiH predsjedniku Odbora putem službe dostavi Obavještenje Ministarstva sigurnosti

BiH o spisu iz tačke 3. d) dnevnog reda. S obzirom na to da se ukazala potreba zvaničnog dopisa prema Graničnoj policiji BiH, usvojen je zaključak kojim Granična policija BiH treba dostaviti sve relevantne dokumente, uključujući i dokumente nadležnih institucija u vezi s ovim predmetom.

- u predmetu broj: 05/2-50-17-1181/18 od 14. 5. 2018, po žalbi građanina S.O., Odbor za žalbe građana zatražio je od Granične policije BiH da preispita zaključak predložen u Izvještaju Granične policije BiH o obavljenim preliminarnim provjerama, u smislu da li je riječ o nepostojanju dovoljno dokaza da je policijski službenik povrijedio službenu dužnost ili je riječ o tome da je žalba neosnovana, te da Odboru dostavi novi izvještaj.
- u predmetu broj: 05/2-50-17-1489/18 od 26. 6. 2018, po žalbi građanina B.M., Odbor za žalbe građana jednoglasno je odlučio Izvještaj ponovo vratiti Graničnoj policiji BiH kako bi izvršila analizu svih dokaza te dostavila novi izvještaj.
- u predmetu broj: 05/2-50-17-1534/18 od 4. 7. 2018, po žalbi građanina M.S., Odbor za žalbe građana zatražio je od Granične policije BiH da utvrdi sve činjenice u ovom predmetu (u skladu s raspravom), i o rezultatima obavijesti Odbor za žalbe građana, nakon čega će izvještaj biti ponovo razmatran.
- u predmetu broj: 05/2-50-17-1833/18 od 31. 7. 2018, po žalbi građanina F.P., Odbor za žalbe građana odgodio je izjašnjavanje o ovom predmetu. Istovremeno, zadužio je Graničnu policiju BiH da obavijesti Odbor za žalbe građana o ishodu istrage koju su proveli Centralni istražni ured i Tužilaštvo BiH u vezi s događajem od 15. 5. 2018. na Međunarodnom graničnom prijelazu Doljani, nakon čega će izvještaj ponovo biti razmatran.

U predmetima broj: 05/2-50-17-2816/17 i broj: 05/2-50-17-210/18 Odbor za žalbe građana Parlamentarne skupštine BiH iznio je primjedbu na postojanje videonadzora s mogućnošću trenutnog pregleda stanja na prijelazu, ali bez mogućnosti pohranjivanja videomaterijala.

U osam predmeta u kojima je, prema izvještajima Granične policije BiH, podnesen zahtjev za provođenje disciplinskog postupka zatraženo je da Granična policija BiH po okončanju disciplinskih postupka protiv policijskih službenika o rezultatima postupka izvijesti Odbor za žalbe građana Parlamentarne skupštine BiH.

Među razmatranim žalbama, za njih 10 utvrđena je osnovanost te je podnesen zahtjev za pokretanje disciplinskog postupka protiv odgovornih policijskih službenika, dok je za prijavu 38 djela, prema izvještajima Granične policije BiH, utvrđeno da "nema dovoljno dokaza."

Granični prijelazi Bosne i Hercegovine na kojima su građani tokom 2018. podnosili žalbe na postupanje policijskih službenika Granične policije BiH su sljedeći:

Granični prijelaz BiH	Broj žalbi
GP Vardište	4
MGP Osoje	1
MGP Doljani	4
MGP Klobuk	2
MGP Izačić	3
MGP Velika Kladuša	1
MGP Brod	6
JGP Bijeljina	1
MGP Uvac	2
MGP Bosanski Šamac	2
MGP Karakaj – Zvornik	1
GP Mali Zvornik	1
MGP Orašje	4
MGP Rača	1
MGP Neum 2	1
MGP Šepak	1
MGP Gradina	6
MGP Zupci	3
MGP Kostajnica	1
GP Bosanska Krupa	1
PGP Hum	2
MGP Gorica	1
MGP Gradiška	5
MGP Ripač	1
MGP Deleuša	2
GP Gornji i Donji Vinjani	1
MGP Aerodrom Sarajevo	3
MGP Aerodrom Tuzla	1
GP Prisika	1
MGP Crveni Grm	1
MGP Popovi	1

Više žalbi odnosilo se na više graničnih prijelaza, a svojim sadržajem upućivale su na dugo zadržavanje i kontrole na graničnim prijelazima.

Ostale žalbe nisu u vezi s povredom službene dužnosti policijskih službenika za neki od graničnih prijelaza, već su uglavnom okarakterizirane kao žalbe koje su proizvod ličnih sukoba između podnosilaca žalbe i policijskih službenika.

Razlozi za podnošenje žalbi na rad policijskih službenika Granične policije BiH

Razlozi za podnošenje žalbi mogu se podijeliti na sljedeće:

1. Neprimjerena komunikacija, drsko i neprofesionalno ponašanje policijskih službenika (21 žalba)

Odbor za žalbe građana u više navrata je skretao pažnju Graničnoj policiji BiH na obavezu poštivanja kodeksa ponašanja policijskih službenika, s posebnim akcentom na ophođenje i komunikaciju s građanima prilikom kontrole prelaska granice. Tokom razmatranja žalbi konstatirano je da je u većini slučajeva nezadovoljstvo građana uslovljeno neprimjerenom, suvišnom komunikacijom policijskih službenika, te u nekim slučajevima drskim i neprofesionalnim postupcima policijskih službenika.

Također, Odbor za žalbe građana zatražio je od Granične policije BiH da policijskim službenicima skrene pažnju na izbjegavanje nepotrebne i prekomjerne komunikacije s građanima, te na obavezu dosljednog poštivanja etičkog kodeksa i pravila službe.

2. Prijave koruptivnog djelovanja policijskih službenika Granične policije BiH (10 žalbi)

Ni u jednom slučaju prijave koruptivnog djelovanja policijskih službenika Granične policije BiH navodi nisu mogli biti ni potvrđeni niti odbačeni, jer nije bilo dovoljno dokaza za to.

Odbor za žalbe građana ponovo je istakao potrebu uspostave funkcionalnog sistema videonadzora na svim graničnim prijelazima kako bi se mogućnost koruptivnog djelovanja policijskih službenika Granične policije BiH svela na najmanju moguću mjeru, a na što je Odbor ukazivao svojim zaključcima iz 2016. 2017. i 2018. godine

3. Predugo zadržavanje na graničnim prijelazima, te posebne kontrole prilikom prelaska granice Bosne i Hercegovine (29 žalbi)

Odbor za žalbe građana Parlamentarne skupštine BiH u ovim predmetima utvrdio je da u postupanju policijskih službenika Granične policije BiH nisu utvrđene nepravilnosti ni povrede relevantnih zakona.

Radnje, preduzete u konkretnom slučajevima, sastavni su dio procedura Granične policije BiH i u skladu su sa zakonskim propisima koji su na snazi u Bosni i Hercegovini.


S druge strane, predugo zadržavanje na graničnim prijelazima uslovljeno je objektivnim okolnostima na graničnim prijelazima, **kao što je brzina internetske konekcije³** za očitavanje pasoša, frekvencija saobraćaja i sl.

³ Odbor je zatražio od Granične policije BiH informaciju o stanju i brzini internetske konekcije na svim graničnim prelazima.

4. Ostale žalbe (13 žalbi)

Ostale žalbe odnose se na pitanja narušenih međusobnih ličnih odnosa između građana i policijskih službenika Granične policije BiH ili se pak općenito odnose na postupanje policijskih službenika izvan obavljanja službe na graničnim prijelazima Bosne i Hercegovine.

GRAFIKON br. 2 (GPBiH)



Nakon provedenih istraga u tri predmeta je izrečena sankcija policijskim službenicima zbog teže povrede službene dužnosti, u jednom slučaju izrečena sankcija zbog lakše povrede službene dužnosti, a u četiri predmeta podnesen je zahtjev za pokretanje disciplinskog postupka protiv odgovornih policijskih službenika Granične policije BiH.

Odjeljak D. Žalbe na rad policijskih službenika Državne agencije za istrage i zaštitu (SIPA)


U izvještajnom periodu Odbor za žalbe građana zaprimio je osam žalbi podnesenih na postupke policijskih službenika Državne agencije za istrage i zaštitu, pri čemu je razmatrano 10 žalbi⁴, od kojih su dvije bile označene određenim stepenom tajnosti u skladu sa Zakonom o zaštiti tajnih podataka ("Službeni glasnik BiH", br. 54/05 i 12/09). Jedna anonimna prijava nije prihvaćena kao žalba jer po svom sadržaju nije sadržavala elemente koji bi se mogli okarakterizirati kao žalba na konkretno postupanje policijskih službenika Državne agencije za istrage i zaštitu.

Odbor za žalbe građana usvojio je 10 zaključaka kojima su usvojeni izvještaji o provedenoj internoj istrazi Državne agencije za istrage i zaštitu.

Odbor za žalbe građana Parlamentarne skupštine BiH zaključio je da u postupanju policijskih službenika Državne agencije za istrage i zaštitu i nadležnih organa u ovim predmetima nisu utvrđene nepravilnosti ni povrede relevantnih zakona.

Razlozi za podnošenje žalbi protiv policijskih službenika Državne agencije za istrage i zaštitu uglavnom su se odnosili na neprofesionalno ponašanje i zloupotrebu službenog položaja policijskih službenika ili su pak rezultat ličnih sukoba između građanina i policijskog službenika.

GRAFIKON br. 3 (SIPA)




⁴ Dvije žalbe zaprimljene su tokom 2017, a zajedno sa izvještajima Državne agencije za istrage i zaštitu razmatrane su tokom 2018. godine.

Odjeljak E. Žalbe na rad policijskih službenika Direkcije za koordinaciju policijskih tijela BiH (DKPT)

U izvještajnom periodu Odbor za žalbe građana razmatrao je **sedam** žalbi na rad policijskih službenika Direkcije za koordinaciju policijskih tijela BiH.

Razlozi za podnošenje žalbi uglavnom se odnose na neprimjereno i neprofesionalno ponašanje policijskih službenika te na neprimjerenu komunikaciju s građanima.

GRAFIKON br. 4 (DKPT)



Razmatrajući ove žalbe, Odbor u četiri predmeta nije utvrdio postojanje povrede službene dužnosti policijskih službenika Direkcije za koordinaciju policijskih tijela BiH, dok je u dva predmeta utvrđena osnovanost žalbi te je Odbor zatražio od Direkcije za koordinaciju policijskih tijela Bosne i Hercegovine da, po okončanju disciplinskih postupka protiv policijskih službenika navedenih u izvještajima, o rezultatima postupka izvijesti Odbor za žalbe građana Parlamentarne skupštine BiH.”

Direkcija za koordinaciju policijskih tijela BiH postupila je po zahtjevu Odbora i dostavila informacije o provedenim disciplinskim postupcima, i to:

- u predmetu broj: 05/2-50-17-738/18 u vezi s prijavom građanina K.N., prvostepena disciplinska komisija oslobodila odgovornosti policijskog službenika J.J.,
- u predmetu 05/2-50-17-812/18 u vezi s prijavom građanina B.E., prvostepena disciplinska komisija izrekla je disciplinsku sankciju za težu povredu službene dužnosti policijskom službeniku F.DŽ., i to novčanu kaznu u visini 30% osnovne mjesečne plaće u trajanju od pet mjeseci i 15 kaznenih bodova.

Odjeljak F. Ostale aktivnosti Odbora za žalbe građana

Odbor za žalbe građana je 2018. godini, po planu rada, obavio tri posjete tijelima policijske strukture, i to:

Posjeti	Datum posjeta
Graničnoj policiji BiH (GPBiH)	5. 2. 2018.
Direkciji za koordinaciju policijskih tijela BiH (DKPT)	6. 2. 2018.
Državnoj agenciji za istrage i zaštitu BiH (SIPA)	6. 3. 2018.

Odbor za žalbe želi istaći da je u izvještajnom periodu imao izrazito kvalitetnu, profesionalnu i stručnu saradnju s navedenim policijskim agencijama, koje su, zahvaljujući iskazanom visokom stepenu profesionalnog pristupa svakom predmetu pojedinačno, dale doprinos otklanjanju formalnih, legislativnih i drugih nedostataka, a kojim se narušava ugled i integritet institucija koje predstavljaju.



**Predsjednik
Odbora za žalbe građana
Parlamentarne skupštine BiH
dr. sc. Vjekoslav Vuković**

Prilozi:

- *Tabelarni prikaz održanih sjednica i prisustva članova Odbora u 2018. godini*

Prilog 1:

- Tabelarni prikaz održanih sjednica i prisustva članova Odbora u 2018. godini

Broj i datum održavanja sjednice	Vjekoslav Vuković	Bakir Dautbašić	Borislav Radić	Negosava Stjepanović	Aleksandra Martinović	Tihomir Marinčić	Semir Šut
49. sjednica 22.1.2018.	+	+	+	+	+	+	+
50. sjednica 22.2.2018.	+	+	+	+	+	+	+
51. sjednica 14.3.2018.	+	+	+	+	+	+	+
52. sjednica 17.4.2018.	+	+	+	+	+	+	+
53. sjednica 23.5.2018.	+	+	+	+	+	+	+
54. sjednica 13.6.2018.	+	+	+	+	+	+	+
55. sjednica 10.7.2018.	+	+	+	+	+	+	+
56. sjednica 30.8.2018.	+	Opravdano odsutan	+	+	+	+	+
57. sjednica 14.9.2018.	+	+	+	+	+	+	+
58. sjednica 17.10.2018.	+	+	+	+	+	+	+
59. sjednica 22.11.2018.	+	+	+	+	+	+	+
60. sjednica 11.12.2018.	+	+	+	+	+	+	+
Ukupno	12/12	11/12	12/12	12/12	12/12	12/12	12/12
Postotak (%)	100	92	100	100	100	100	100